



# Cymdeithas Tai Canolbarth Cymru - Polisi

## **Teitl: POLISI DATBLYGU CYNALIADWY**

### **Datganiad Polisi:**

Mae gan y term "Datblygu Cynaliadwy" bedwar llinyn eang ar gyfer Tai Canolbarth Cymru:

#### **1. Yr Amgylchedd**

Mae Datblygu Cynaliadwy ynglŷn â sicrhau bod y penderfyniadau a wnawn yng nghyswllt ein gweithgaredd datblygu yn rhoi ystyriaeth a hygredded dyladwy i niwtraleiddio unrhyw effeithiau negyddol yng nghyswllt yr amgylchedd.

#### **2. Ein Cwsmeriaid**

Mae Datblygu Cynaliadwy ynglŷn â sicrhau y caiff pob annedd newydd eu datblygu i sicrhau ein bod yn creu gwell ansawdd bywyd ar gyfer preswylwyr presennol a phreswylwyr y dyfodol.

#### **3. Y Cymunedau a Wasanaethwn**

Mae Datblygu Cynaliadwy ynglŷn â sicrhau bod ein datblygiadau'n cyfrannu at sefydlu a chynnal y cymunedau lle gweithiwn.

#### **4. Y Gymdeithas**

Mae Datblygu Cynaliadwy ynglŷn â sicrhau bod ein datblygiadau newydd yn cyfrannu at nerth a hyfywedd ariannol y Gymdeithas.

### **Polisi Datblygu Cynaliadwy**

#### **Cod Cartrefi Cynaliadwy**

Byddwn yn mabwysiadu'r Cod Cartrefi Cynaliadwy fel sail ar gyfer mesur cynaliadwyedd ar gyfer ein holl ddatblygiadau newydd. Ar gyfer datblygiadau a ariennir gan y Grant Tai Cymdeithasol, byddwn yn sicrhau lefel cod gofynnol Llywodraeth Cynulliad Cymru (lefel 3 ar hyn o bryd) fel isafswm, ond lle mae'n ariannol hyfyw i wneud hynny, byddwn yn ymdrechu i ragori ar ofyniad Llywodraeth y Cynulliad. Ar gyfer datblygiadau na chânt eu hariannu gan Grant Tai Cymdeithasol, byddwn yn ymdrechu i sicrhau'r safon uchaf cyraeddadwy o fewn hyfywedd cyffredinol y datblygiad.

### **Y Dimensiwn Lleol**

Byddwn yn hysbysu pobl leol a chymunedau lleol am ein cynigion, ac yn ceisio ymgynghori gyda hwy yng nghyswllt yr hyn y byddwn yn ei ddatblygu.

### **Cymunedau Cynaliadwy**

Wrth ystyried hyfywedd unrhyw gyfle datblygu, byddwn yn defnyddio methodoleg i sicrhau fod ein cynigion yn cyfrannu at sefydlu cymunedau amrywiol ac egniol.

### **Fforddiadwyedd**

O fewn cyfyngiadau hyfywedd cyffredinol datblygiad, byddwn yn ceisio manylu cartrefi sydd â chostau rhedeg isel ar gyfer tenantiaid a chostau cynnal isel ar gyfer y Gymdeithas. Wrth sicrhau lefel gofynnol y Cod Cartrefi Cynaliadwy, byddwn yn ymdrechu i roi blaenoriaeth i waith sy'n cyfrannu at ostwng costau rhedeg a biliau tanwydd i denantiaid a'r Gymdeithas.

### **Hyblygrwydd**

Lle'n bosibl, byddwn yn ceisio datblygu cartrefi sy'n hyblyg i'r newid yn anghenion preswylwyr, ac yn datblygu cynlluniau gyda chymysgedd anheddau sy'n hwyluso symudedd o fewn y gymuned yn y dyfodol.

### **Ffyrdd o Fyw Cynaliadwy**

Yn ein cynlluniau byddwn yn cynnwys cyfleoedd i bobl fabwysiadu gweithredoedd cynaliadwy yn eu ffordd o fyw e.e. gofod/cyfleusterau ar gyfer ailgylchu, llwybrau diogel ar gyfer cerdded/beicio, mynediad i ffynonellau lleol o nwyddau a gwasanaethau. Byddwn hefyd yn darparu gwybodaeth a chynyddu ymwybyddiaeth am fanteision newidiadau i ffordd o fyw, e.e. defnydd mwy effeithiol o ynni.

### **Gwelliant Parhaus**

Byddwn yn monitro ac adolygu ein holl ddatblygiadau gan sicrhau y caiff adborth gan denantiaid, cymunedau a'r gadwyn cyflenwi datblygu ei gynnwys yng nghynigion datblygu'r cynigion i sicrhau gwella yn ein gallu i ddarparu datblygiadau cynaliadwy.

### **Galw Hirdymor**

Byddwn yn defnyddio dull gweithredu risg busnes ar gyfer pob cynllun datblygu newydd. Bydd hyn yn cynnwys ystyried materion a fedrai gael effaith negyddol ar y galw ar gyfer y cynllun yn y dyfodol.

### **Meysydd Perfformiad Allweddol**

- Cynhelir adolygiadau cynllun datblygu ar bob datblygiad newydd a chaiff cyflawni mesurau cynaliadwyedd ei gynnwys fel rhan allweddol o'r adolygiad.

- Caiff datblygiadau newydd eu mesur yn erbyn y Cod Cartrefi Cynaliadwy ac yn sicrhau o leiaf lefel 3.

<b>Diben:</b>	Sicrhau y caiff mesurau cynaliadwyedd eu hystyried, eu mesur a'u hadolygu ar bob datblygiad newydd.
<b>Cyfeirnod:</b>	
<b>Dyddiad Cyhoeddi:</b>	I'w ystyried gan y Bwrdd ar 18 Mehefin 2008
<b>Dyddiad Adolygu:</b>	Mehefin 2011
<b>Adrannau/Unedau yr Effeithir Arnynt:</b>	Datblygu, Rheoli Asedau
<b>Cymeradwywyd gan:</b>	Amodol ar gymeradwyaeth y Bwrdd – 18 Mehefin 2008
<b>Swyddog Arweiniol:</b>	Cyfarwyddydd Gwasanaethau Technegol
<b>Cydymffurfiaeth Statudol</b>	Cod Rheoleiddiol 1.1.2 Mae'n rhaid i gymdeithasau ddarparu cartrefi sydd wedi eu cynllunio'n dda, o ansawdd da ac sy'n rhwydd eu cynnal a'u cadw.
<b>Ffactorau Risg Strategol</b>	<ul style="list-style-type: none"> <li>• Cost sicrhau'r cod ar gyfer cartrefi cynaliadwy, effaith bosibl sicrhau'r lefel ofynnol ar hyfywedd, a'r effaith ar allu'r Gymdeithas i ddatblygu os na allwn ei sicrhau.</li> </ul>